




Hapo zamani,
wanyama hawakuwa
na miguu.




Maguru alikuwa
amewapatia miguu
watu pekee.




Maguru aliamua
kumpatia kila mnyama
miguu.




Wanyama walitaka
miguu ili watembee na
kukimbia.



Ilikuwa vigumu kwao
kutambaa.



Maguru aliwapatia wanyama na ndege miguu.



Baadhi ya wanyama walicheza. Wengine walianguka chini.



Walisema,
"Hatutatambaa tena."



Jongoo alikuwa wa
mwisho kwenye
mstari.



Maguru alimpatia
miguu yote iliyokuwa
imabaki.



Jongoo alisema kwa furaha, "Nitatembea haraka kuwaliko wengine."



Baadaye, Nyoka alifika.
Alimsihi Maguru,
“Tafadhali, nipe
miguu.”



Nyoka alimwambia
Maguru, "Nililala
kupita kiasi."



Maguru hakupata
miguu yoyote ya
kumpatia Nyoka.



Tangu siku hiyo,
Nyoka anasubiri
kupata miguu.